

Dikarabo tse di tsweleng mo thapelong

Modimo o re ruta mo Lokwalong-lo-lo-Boitshepo gore go na le dilo tse di leng mosola fa re rapela. Re ka re ke maemo a pele mo thapelong. Jaanong, ke maemo a pele a feng le mekgwa ya Beibele e e kwa tlase e re tshwanetseng go tshwarelela mo go yona go ba le dikarabo tse di tsweleng mo thapelong.

Ke maemo a pele a feng le mekgwa e e ka dirisiwang mo thapelong e e dirang? Mekgwa e e latelang e ka ba mosola:

Tlogela sebe gotlhelele. Ipobole mefuta e o e itseng, tse o iseng o ipobole mo botshelong jwa gago mme o arogane le tsona. Netefatsa gore pelo ya gago e phepa fa pele ga Modimo le gore Mowa o kgalalelong o go bontshe dibe tse o iseng o ipobole.

Ikamanye le Keresete mme o seka wa tlogela maemo a. 'Gonne fa re kopantswe nae go tshwana le loso lwa gagwe, le tsogo ya gagwe re tla tshwana nayo, ka re itse gore motho yo mogologolo wa rona o babotswe nae gore mmele wa bolelo o khutlisiwe go leofa, mme re se tlhole re dira bolelo...' (Baroma 6:5-6)

Nna le Keresete yo o tsogileng. (Johane 15:7, Baroma 6:11); Ke a tshela, mme ga e tlhole e le nna, ke Keresete yo yo o tshelang mo go nna, mme se ke se tshelang jaanong mo nameng ke se tshela ka go dumela mo go Morwa Modimo yo o nthatileng, a ba a ineela losong ka ntlha ya me.' (Bagalata 2:20)

Lefoko la gagwe le tshwanetse go nna dijo tsa motho yo o ka mo gare. Iphepe ka lefoko la Modimo. Buisa dikarolo tse di mmalwa tsa Lokwalo-lo-lo-Boitshepo ka metlha. Tshela ka lefoko mo lefokong.

Dikopo kwa Modimong di seke tsa tswa mo maikutlong, fela kwa thatong le go ya ka thato ya Modimo. Botsa Modimo gore thato ya gagwe ke eng ka se o se rapelelang. Gopola, dithapelo di ka ba le medi ya tlhago e le mene. (a) wena, (b) keletso ya ba bangwe (c) go tswa go satane kgotsa (d) Mowa o kgalalelang. Ipone o sule mo mekgopolong ya gago le mo merwalong ya thapelo. Utlwa le go fetoga ka pele se Mowa o Kgalalelang o se bayang mo pelong ya gago gore o se rapelele. 'Gonne Modimo ke ona o o dirang mo go lona go rata le go dira ka ntlha ya natefelo ya ona.'

Tumelo mo Modimong le go reetsa Modimo di tlhokagala thata. 'Mme ga go kgonege go o kgatlha kwa ntle ga tumelo, gonne yo o atamelang Modimo o tshwanetse go dumela gore o teng le gore ke ona moduedi wa ba ba o batlang.' (Bahebere 11:6). 'Fa lo nna mo go nna, le mafoko a me a nna mo go lona, lo ka kopa se lo se ratang, se tla lo dirafalela.' (Johane 15:7)

Kgatlhegelo ya gago e tshwanetse gore e se nne teng mo thapelong ya gago. 'Lo a e letsa, mme lo a tlhoka, lo a bolaya, lo fufege, mme ga lo kake lwa amogela sepe, lo tsose kgang, lo lwe, mme lo a tlhoka, ka lo sa rapele. Lo a rapela, mme ga lo amogele sepe, ka

gonne lo rapela ka mokgwa o o bosula, gore lo tle lo senye dilo ka bofalele mo dikgatlhegong tsa lona.' (Jakobe 4:2-3)

Rapela ka mowa le ka matla a mowa o kgalalelang. Kopa taelo ya Mowa o kgalalelang fa o dira tiro ya borapeledi. Ga re itse go rapela, fela Modimo o re neile Mowa o kgalalelang go ba Mothusi fa re rapela. Amogela mo modimong gore ga o itse go rapela fela o solofele Mowa o kgalalelang. (Baatlhodi : 20) 'Lo ntse lo rapela ka gale ka Mowa' (Baefeso 6:18) Ka tsela eo Mowa o a re thusa mo makoeng a rona. 'Ga re itse gore re tshwanetse go rapelela eng. Mowa ka osi o re emelela ka diphegelo tse di sa kgonweng go bolelwa. Mme Motlhotlhomisi wa dipelo o itse maikaelelo a Mowa. Gonne ona o emelela baitshepi ka fa go rateng ga Modimo.' (Baroma 6:27-28)

Satane o tla leka go go thibeleda mo thapelong kgotsa go thibeleda dikarabo tsa dithapelo tsa gago. Fa se se diragala, mekgwa ya go latelela ditlhabano tsa semowa di tshwanelwa go dirisiwa, ke tse; go tshaba diabolo le ka go botsa o mobe ka maemo le maatla a gago ka Keresete Tlosa sera ka maatla. Mo ganetse ka leina la Morena Jesu Keresete le ka 'Ditlhabano tsa Semowa.' Ebong Lefoko la Modimo.

Dirisa di tsholofetso tse di leng mo Lentsweng le le Boitshepo fa o rapela. Go na le ditsholofetso tse di farologaneng mo mabakeng a a farologaneng go ya ka Lefoko le le Boitshepo. Ema mo ditshepisong tsa Modimo, di seke o di rapele. 'Gonne le fa go ka nna dipolelelopele tsa Modimo di le kae, di Ee mo go ene, ke ka moo re reng. Amen ka ene go kgalaletsa Modimo.' (2 Bakorinthe 1:20)

Letela karabo mo Moreneng. O seka wa potlaka. Yo o dumelang ga a kake a potlaka. Leta ka netefatso e e feleletseng gore Modimo o tla araba.

Gobokanya ditshedimoso ka mokgwa o o ka gonang ka kgang-kgolo e o e rapelelang. Dirisa tshedimoso fa o rapela mme o solofele Mowa o o kgalalelang go go bontsha tse o sa di itseng. (Jeremia 33:3)

Go a thusa go rapela ka setlhopa gore le arogane merwalo e Modimo a e beileng mo dipelong tsa lona. Ka se re ka thibeledana kgatllhanong le phoso, mme go re thusa gore a re utlwile Morena sentle fa a re naya netefatso ka ba babedi kgotsa ba bararo. 'Gape ke lo raya ke re: Fa ba le babedi ba lona ba ka dumalana mo lefatsheng ka ga sengwe se ba tla se kopang, le fa e ka nna eng, ba tla se direlwa ke Rre yo o kwa magodimong, gonne kwa ba le babedi gongwe ba le bararo ba phuthegetseng teng mo leineng la me, foo ke teng mo gare ga bone. (Matheo 18:19-20)

Ithuthe go tswa botshelong jwa Jesu, Moshe, Daniele, Esekiele, Elija, Paulo le badumedi ba bangwe mo Beibeleng. Ithute maphelo a bona mme o dirise mekgwa e mengwe botshelong jwa gago.

Fa re rapela re tshwanetse go atamela sedulo sa bogosi sa Modimo ka go itshepa le tumelo, gonne tumelo le go itshepa di kgatlha Modimo. 'Mme ga go kgonego go o kgatlha kwa ntle ga tumelo; gonne yo o atamelang Modimo o tshwanetse go dumela gore o teng le gore ke ona moduedi le gore ke ona moduedi wa ba ba o batlang.' (Bahebere 11:6) 'Ka moo

he, a re atameleng sedulo sa bogosi sa bopelotlhomogi ka dipelo tse di phuthologileng gore re tle re amogele kutlwelo-botlhoko, re bone boitshwarelo, re tle re thusiwe ka nako ya teng.' (Bahebere 4:16)

Batho ba bangwe ba bona go le mosola go kwala dithapelo tsa bona fa fatshe le go tshola bopaki ba dikarabo. Se se tla go thusa go gopola: (a) go Mo leboga ka dikarabo, (b) se o se rapeletseng le go leta mo thapelong, le (c) e tla thatafatsa tumelo ya gago fa o bona dikarabo tsa dithapelo tse o di kwadileng.

Ikemisetse go dira fa Modimo a go laela kgotsa a batla kutlwelelo.

Rapelela ntlha ya thapelo ka botlalo mme o seke wa ya kwa setlhogong se sengwe pele o ka gotsofala ka ntlha e o neng o e rapelela.

Ka gale nna o ntse o tshotse Beibele gore ge Modimo a batla go go bontsha kgotsa go go netefaletsa.

Fa o utlwa gore Mowa o kgalalelang ga o sa go naye morwalo wa thapelo e ntshwa, e bile o sa utlwe sepe sa Mowa o kgalalelang ka thapelo, tswalela ka go mo tumisa le go leboga ka se A leng sona.

Tiro e e weditsweng kwa sefapanong ke yona e e re netefaletsang gore Modimo o tla araba dithapelo tsa rona. Ga se boteng bo re rapelang ka bona, kgotsa boineelo, kgotsa go rapela go le kana kang. Ga se mafoko a a siameng kgotsa gore re bomang. Ke fela ka se Morena Jesu a se dirileng kwa sefapanong. Ke ka ntlha ya lesa la gagwe le tshiamiso. Phenygo go e mobe le phenygo mo losong. Go mosola go gopola gore ga go sepe sa se o se buang se se tla dirang gore Modimo a utlwe dithapelo tsa gago. Modimo o re utlwa ge fela re tla ka Jesu Keresete le gona ke leina la Jesu Keresete le le bonagalang fa pele ga Modimo Rara.

Botshelo jwa morapeledi ke botshelo jo bo bapotsweng le botshelo jo bo tseneletseng jwa botsalano le Jesu Keresete jaaka yo o bapotsweng, a tsoga, Morena le Mopholosi.

Morena o baya maemo a, a pele, pele dithapelo di ka arabiwa:

- Fa o na le tumelo o sa belaele... (Matheo 21:21-22) 'Fa o nna mo go nna, le mafoko a me a nna mo go wena' (Johane 15:7)
- Fa re kopa sengwe ka fa go rateng ga gagwe... (1 Johane 5:14-15)
- Ge ba babedi mo lefatsheng ba dumelana... (Matheo 18:19-20)
- 'Mme ke tla dira se le se kopang ka leina la me...' (Johane 14:13-14)
- 'Ka re tshegetsa ditaolo tsa Ona, re dira tse di natefang fa pele ga ona...' (1 Johane 3:22)